

Crisis Theologica

Cárdenes, Juan de

Sevilla, 1687

Cap. VI. Discutiuntur argumenta, quibus aliqui nituntur probare falsitatem propositionis damnatæ.

[urn:nbn:de:hbz:466:1-75689](#)

bis hic & nunc credi Fide supernaturali, non facile intelligitur, nisi dicamus esse eodem modo, atque cum sensus probabilis Scripturæ Sacrae nobis occurrit: tunc enim dicimus illum esse probabiliter revelatum; sed non propterea dicimus illum esse de Fide: quia ut sit absolute de Fide, non sufficit probabilitas revelationis, sed requiritur certitudo illius. Cum autem Cardinalis dicit, [Sicut probabile est, obiectum illud revelatum esse a Deo, ita probabile etiam est, pertinere ad Fidem:] respondendum est, solum pertinere ad Fidem id, quod certo revelatum est, non autem quod mere probabiliter.

70. Probatur secundo conclusio. De conceptu essentiali assensus Fidei est utraque certitudo, nempe connexionis cum obiecto, & adhesionis ad obiectum; ut supra cap. 2. probavi: sed Authores affirmantes probabiliter, aliquod obiectum esse de Fide, atque adeo credi debere fide supernaturali, non habent certitudinem adhesionis ad obiectum: ergo circa id obiectum non habent assensum Fidei supernaturalem. Probatur Minor. Nam formido de certitudine est formido de revelatione: at qui afferentes probabiliter certitudinem revelationis, illam assertunt cum formidine: ergo cum incertitudine adhesionis ad obiectum; ergo sine certitudine talis adhesionis.

71. Quod si dicatur, hos Authores probabiliter afferentes, tale obiectum esse de Fide, solum contendere probabiliter, tale obiectum habere certitudinem connexionis cum obiecto; non tamen ipsos habere certitudinem adhesionis ad obiectum; neque id quidem tolerati poterit, quia dum non habent certitudinem adhesionis ad obiectum, non possunt elicere actum Fidei supernaturalis circa tale obiectum; atque adeo non possunt

absolute pronunciare, tale obiectum esse de Fide Divina: quidquid enim est absolute de Fide divina potest hic & tunc credi assensu Fidei Divinae.

72. Maneat ergo firmum, quod Theologi affirmantes absolute, aliquid obiectum esse de Fide, V. g. hunc hominem esse verum Pontificem Maximum, eo ipso id affirmare, non probabiliter, sed certo certitudine connexionis cum obiecto, & adhesionis ad obiectum. Cum ergo affirmant, illud obiectum esse certum de Fide, illi a principijs intrinsecis certi sunt de veritate obiecti, eo quod a principijs intrinsecis sibi sufficienter proposita est revelatio. Illis vero, qui afferunt, id non esse de Fide (ea est ingeniorum varietas) non est sufficienter proposita ea veritas, fortasse quia non penetrant motiva credibilitatis. Et ex dictis satis constat ad rationem dubitandi initio huius capituli propositam.

CAPVT VI.

Discutiuntur argumenta, quibus aliqui mituntur probare falsitatem propositionis damnatae.

SVMMARIVM.

Sine evidentiâ credibilitatis, accedente lumine Fidei, potest quis habere certitudinem de revelatione. n.75.
Argumentum secundum non procedit contra Authores prepositionis damnatae. n.77.
Hi Authores solum loquuntur, quando tertio constat de revelatione universalis, & probabile est, obiectum singulare includi sub illa. n.78.

Discremen inter probabilitatem veram,

Yy

ram, & apparentem n.79.
Ex propositione damnata non inferatur, quod propositio Ecclesie reddat solum probabilem revelationem. num. 81.

An posset esse martyr, qui subit mortem pro tuenda veritate solum probabiliter revelata. n.82.

Vindicatur à calunnia P. Granado. n. 83. & seqq.

Vindicatur etiam à calunnia P. Raynaudus. n.87.

Ex propositione damnata non inferatur, posse credi fide supernaturali privatas revelationes incertas. nu. 89.

Calunnia in P. Ioannem de Salas refellitur. n.90.

Ille, cui certum est, obiectum contineri sub revelatione universali, id potest credere fide supernaturali. nu. 91.

Summus Pontifex potest credere fide supernaturali, in hac hostia à se consecrata esse realiter praesentem Christum D. n.92.

An baptizans infantem possit credere fide supernaturali, illum esse re-baptizatum? n.93.

Discrimen inter hoc, quod est, aliquid esse de Fide, & aliquid nobis esse de Fide. n.94.

73. **S**icut non expedit doctrinam certam inefficacibus argumentis probare; ita opera pretium duxi, aliorum argumenta discutere, quibus nituntur probare, falsam esse hanc propositionem damnatam; vt argumenta efficacia ab inefficacibus secernantur.

74. Filguera in expositione huius propositionis 21. arguit primo. Juxta communem sententiam Theologorum cum S. Thoma 2.2. quest. 1. art. 4. requiritur iudicium evidens de credibilitate mysteriorum Fidei, prindeque iudicium evidens de existen-

tia Divinae revelationis: sed haec evidencia non stat cum probabilitate, aut formidine revelationis: ergo. Quod confirmat urgentiori ratione, quam non reiicio, sed omitto.

75. Sed ex cap. 3. constat, quam inefficax sit hoc argumentum. Nam iuxta sententiam probabilem Theologorum, lumen Fidei supernaturalis, & illustratio Spiritus Sancti in pueris, & rudibus supplet evidentiā credibilitatis in ordine ad assentiendum firmissime, & absque ulla formidine obiectis revelatis, & ipsi revelationi Dei. Quare distinguenda est maior: requiritur iudicium evidens de credibilitate ex argumentis orta, nego; ex motivo alias probabili, quod redditur certum, accidente illustratione Divina, concedo. Evidentiam itaque admitto, incompossibile cum probabilitate, aut formidine, sed non ortam necessario ex argumentis evidentibus; sed quae oriri potest ex ratione alias probabili, accidente illustratione Divina, quam Deus semper immittit ad credendum.

76. Arguit secundo in haec verba [Si sufficit probabile credibilitatis iudicium ad assensum Fidei salutarem, perindeque prudentem, plures nostri temporis haeretici ab infidelitate excusabauntur: nam sibi probabiliter suadent, revelationem Dei esse de multis erroribus, quibus tenentur,] &c.

77. Sed neque hoc argumentum est efficax. Primo. Quia haec damnatio non est ad versus eos Docentes, si qui forte dixerunt, sufficere probabilitatem credibilitatis, si dicunt, postea suppleri evidentiam credibilitatis per Fidei lumen supernaturale, & illustracionem Spiritus Sancti, vt supra vidi-mus, in ordine ad assensum Fidei, cum quo non stat probabilitas, neque

que formido de revelatione: atque adeo id argumentum Filgueræ non procedit contra falsitatem propositionis damnatae.

78. Secundo. Nam Doctores Catholici, contra quos militat hæc damnatio, dixerunt, posse haberi assensum Fidei supernaturalem, quando certo constat de revelatione vñiversali, & probabilitate creditur, obiectum singulare includi sub revelatione vñiversali. Hæretici autem non supponunt, sed negant ipsam Dei revelationem. Quod si aliquam revelationem admittunt, & ex illa conantur inferre, errores suos contineri sub ea revelatione; non continent sub ea aliquam probabilitatem veram, sed apparentiam probabilitatis, quæ nihil aliud est, quam manifestus error.

79. Tertio. Nam etiam si hæreticis proponantur sui errores tamquam probabiles, est magnum dilicitem inter probabilitatem hæreticorum, & probabilitatem Catholicon. Nam ista includit ignorantiam, sive incertitudinem invincibilem: quare cum dicitur esse probabile, præmotionem physicam contineri sub auxilio efficaci revelato: ideo dicitur probabile, quia post diuturnas disputationes non potuit perveniri ad omnimodam certitudinem. Probabilitas autem, per quam hæreticis proponitur tamquam probabile, suos errores continet sub aliqua Dei revelatione, includit ignorantiam vincibilem, quia possunt, & debent maiorem diligentiam praestare, vt perveniant ad certitudinem, ad quam certissime pervenient, si animo sincero praestent eam diligentiam, inquirendo certitudinem, vt supra ostendi in explicatione quartæ propositionis damnatae. Et sicut ab ignorantia invincibili ad vincibilem nulla est consequentia; ita neque ab

vna probabilitate ad aliam.

80. Tertio arguit sic: [Si esset vera propositio damnata, sequeretur, quodam modo aperiri ianuam ad scindendam unitatem Fidei. Nam si cum iudicio probabili de revelatione, & cum formidine de opposito staret Fides saltuaris, aut propositio Ecclesiæ tantum redderet probabile existētiā revelationis, quam proponebit; destrueretur Ecclesiæ authoritas in proponendis rebus Fidei, &c.]

81. Sed hoc argumentum pugnat contra hostem fictitium. Nam Catholici, qui affirmaverunt propositionem damnatam, supponunt revelationem vñiversalem infallibiliter certam, & similiter propositio nem Ecclesiæ esse infallibilis autoritatis; & probabilitas, quam admittunt, non est circa revelationem vñiversalem, neque circa propositionem Ecclesiæ; sed solum circa extensionem, quam putabant faciendam, ad hoc, vt quæ probabiliter continentur sub revelatione vñiversalí proposita infallibiliter ab Ecclesia, credenda essent assensu Fidei supernaturalis. Ex hoc autem quomodo infertur, quod propositio Ecclesiæ reddat dumtaxat probabilem revelationem: solum enim infertur, quod revelatio, & propositio Ecclesiæ extendantur ad ea, quæ probabiliter continentur in illis. Ideo autem dani natur ea propositio, quia affirmat, probabiliter contenta sub revelatione vñiversalí posse credi fide supernaturali, quamvis detur formido, quod talia obiecta ita probabiliter contenta fortasse non sint revelata, vt constat ex predictis.

82. Arguit quarto in hæc verba. [Sequeretur, quod posset quis laudabiliter mortem oppetere, esseque verum Martyrem pro tuerenda illa veritate, quam probabiliter iudicaret esse a Deo revelata. Quidi

Yy 2 quam

PROPOSITIO XXI.

356

Grana.

Raynau

*P. Tho.
Hurt.*

quamvis afferant Granadus in 3. part. controv. 2. de gestis Christi tract. 1. disp. 3. sect. 31. & Theophilus Raynaudus part. 2. cap. 3. art. 11. Contra illos merito, & valde efficaciter insurgit ex nostris P. Thomas Hurtado in opere *De vero Martyrio Fidei*, cui doctissimi viri maximam impertinent laudem, tract. 4. resol. 25. §. 5.]

83. Sed ego valde miror, quod vir doctus, reprobaturus doctrinam P. Iacobi Granado, non legerit contextum eius: quem si legisset, impossibile esset, quod tam falsam accusationem ei obiecisset. Neque satis excusat ex eo, quod Thomas Hurtado id illi attribuerit: sicut enim Index non damnat Reum, donec ab eo confessionem accipiat; ita etiam Scriptor reprobaturus doctrinam, quam alij accusant, non debet reprobare, donec dictum eius, & contextum legat, & relegat.

Granad 84. Audiamus ergo P. Granadum, qui in loco citato num. 354 hęc verba habet. [Qui solum haberet opinionem Immaculatae Conceptionis, seu iudicium *incertum & topicum, non foret martyr, si mortem opeteret pro veritate speculativa Conceptionis: quia sola opinio non est actus virtutis, vt constat ex materia de virtutibus.*] Vide expressam contradictionem eius doctrinæ, quam illici attribuit Filguera ex testimonio Thomas Hurtado.

85. Præterea P. Granado firmat duas alias conclusiones, in quibus affirmat, fore verum Martyrem, qui se obiiceret morti pro defensione eorum, quæ in mysterio Immaculatae Conceptionis sunt omnino certa supra omnem probabilitatem. Et ita num. 352. afferit in prima conclusione, fore Martyrem, qui mortem subiret pro defendendo cultu & festo Immaculatae Conceptionis præscripto ab Ecclesia; item pro defenden-

do, sententiam Immaculatae Conceptionis esse tutam, & piam. Quod sic probat. [Ille est verus Martyr, qui mortem subit pro aliquo actu virtutis: sed id, quod ad praxim spectat in hoc negotio Immaculate Conceptionis, est actus virtutis: ergo qui mortem subiret pro illo, esset verus Martyr.] Minorem probat: quia [celebrare festum Immaculatae Conceptionis est actus virtutis Religionis: Cum Sextus IV. in Extravag. *Precessalia*. Ad eam celebritatē hortetur, & universa Ecclesia solemini ritu Conceptionem Immaculatam celebret octava Decembribus. Deinde doctrinam Immaculatae Conceptionis esse piam, & tutam *certissimum* est, vt patet ex discursu huius disputationis: quare docere, eam esse piam, & tutam est opus virtutis.] &c. Vbi vides, illum afferere, eum fore Martyrem, qui mortem subierit pro veritate certissima.

86. Deinde num. 353. in secunda conculsione sic ait: [Verus Martyr esset, qui mortem subiret pro eo, quod in veritate speculativa Immaculatae Conceptionis est certum. Probat. Quia fateri veritatem *certam*, seu *infallibilem* in his, quæ saltē cedunt in Dei honorē, est actus virtutis.] Et prosequitur distinguēs ea, quæ in hoc mysterio certa sunt, ab opinabilibus: docetque esse verū Martyrī, quod quis subierit pro veritate certa non autē pro assertione opinabili.

87. Similis iniuria infertur P. Theophilo Raynaldo, qui in tract. de Martyrio per pestem loco citato num. 18. nullo modo afferit, esse maytirium, oppetrere mortem pro assertione opinabili tuenda, sed solum pro veritate certa, cuius honestas certo constet ex Fide Divina. Et inter alia hęc scribit. [Si igitur aliqui mors intentaretur, vt piam illam sententiam *improbaret*, isque mallet mor-

mortem potius acceptare eam ob causam , & re ipsa eam exciperet, martyr esset vere ac proprie, etiam si tantum spectaret, quod auctior pietas fert, & lex privata conscientia, Christo quoque probata , mandat. Nam si spectaret legem Ecclesiasticam , qua sententia illius suffixione interdicitur, malletque mori , quam in legem illam delinquere , multo operatior esset martyrij veritas, morte irrogata ab eam causam.] Vides, quomodo non doceat P. Theophilus , esse martyrium mortem pro obiecto probabiliter revelato , sed pro observanda lege Ecclesiastica præcipiente, ne improbetur sententia de Immaculata Conceptione. Est enim ex Fide certum , teneri nos ad observandas leges Ecclesiasticas, que habent omnia requisita ad sui valorem. Cum autem dicit , quod auctior pietas fert, loquitur de eo, qui defendit, esse opus pium, revereri Conceptionem Immaculatam B. Virginis.

88. Arguit quinto. [Nam se queretur etiam, dari ansam , vt revelationibus privatis facilius, quam par est, præstaretur assensus. Si enim notitia tantum probabilis, non vero evidencia moralis , requireretur ad credendum , posset quis credere post modicum examen, & aprobationem duorum , vel trium Theologorum, obiectum sibi revelatum,] &c.

89. Sed neque hoc argumentum est efficax. Ex eo enim , quod obiectum singulare probabiliter cōtentum sub revelatione certa vniuersali posset credi assensu Fidei supernaturalis ; non infertur, quod deficiente ea revelatione certa vniuersali, possint credi fide supernaturali ea, que privatis revelationibus incertis existimant sibi manifestata aliqui homines pij.

90. Nec possum non mirari, quod attribuat P. Ioanni de Salas

quamdam opinionem de revelatio-
ne privata amplectenda , ad hoc vt
Religiosus posset matrimonium ini-
re; cum ipse Filguera fateatur, talem
doctrinam non reperiri in eius libris.
Quid enim prodest, magnis Doctori-
bus inferri crimen, quod nec testibus
ocularibus , neque tabulis probari
potest?

91. Sed pro maiori intelligentia eius argumenti, & doctrinæ tradi-
tæ, operæ præsum est aliqua adnota-
re. Aliquando enim potest quis cre-
dere assensu Fidei supernaturalis
aliquid obiectum, quod sibi certum
est contineri sub revelatione vniuer-
sali, nec in hoc decipitur; cum tamen
reliquis Fidelibus non constet certo,
id obiectum contineri sub revelatio-
ne vniuersali. Tunc enim non dici-
tur esse absolute de Fide illud obiec-
tum singulare, quamvis ille, cui certo
constat, illud contineri sub revelatio-
ne vniuersali , possit credere illud de
Fide Divina.

92. Sic absolute non est de Fi-
de, sub hac numero hostia consecra-
ta à Summo Pontifice contineri præ-
sentiam realem Christi D. vt notavit
Lugo Cardin. disp. 1. de Fide sect. 13. Lugo.
§. 5. num. 320. afferens, non debere
nos id de Fide credere; nisi sub con-
ditione expressa , vel tacita, aut præ-
supposita; quia licet sit de Fide , eum
esse Supremum Sacerdotem , possu-
mus dubitare , aut formidare, an ha-
buerit intentionem consecrandi. Ipse
vero Pontifex , qui certo scit, se ha-
buisse intentionem consecrandi , po-
test credere Fide Divina , in eâ nu-
mero hostiâ esse realiter præsentem
Christum D. Quia ex revelatio vni-
uersali, quod in hac Hostia rite cōse-
crata est realiter præsens Christus D.]
certo scit contineri hanc Hostiam à
fe rite consecratam, cum aliunde Fi-
de Divina credat, se esse Supremum
Sacerdotem ; vt notavit P. Petrus P. Hur.
Hur-

Hurtado disp. 11. de Fide sect. 2.
num. 21.

93. Et idem est de baptizante infantem, qui certus de sua recta intentione, & de materia, & forma, potest credere assensu Fidei, hunc infantem accepisse gratiam, quia ei certo constat, hoc singulare esse cōtentum sub revelatione vniuersali quod omnis infans rite baptizatus accipit gratiam iustificationis.] ut notavit Lugo Card. cit. disp. 1. sect. 13. §. 3. n. 304. in hec verba: [Postquam tamen baptizanti constat de Baptismo rite collato, ita incipit ei esse de Fide, quia ei iam constat, Deum de hoc parvulo locutum fuisse.]

94. Non ergo recte dicetur, esse de Fide, illum parvulum accepisse gratiam Baptismi; nam ut ipse Lugo ait num. 302. [Aliud est, propositionem aliquam secundum se esse de Fide, aliud vero esse nobis de Fide. Ad primum enim sufficit, quod sit vere a Deo revelata; ad secundum vero requiritur, quod revelationis sensus, & significatio nobis sufficienter constet.]

95. Reiectis ergo argumentis in efficacibus, efficax est, quod proposui, de certitudine tam connexionis cum obiecto, quam adhäsionis ad obiectum requisita ad actam Fidei supernaturalem.

CAPVT VII.

*Quomodo consentiat damnatio
huius 21. propositionis cum
damnatione
quarte?*

NON EGET SVMMARIO.

96. **F**orsitan alicui videbitur difficile conciliare has duas damnationes, non recte percipiendo, quo-

modo non invicem opponantur? Ratio autem dubitandi haec est. Damnatur enim quarta propositione docēs, excusari a peccato infidelitatis infidelem, qui non credit ductus opinione minus probabili: ex qua damnatione videtur inferri, quod ubi infidelis habet maiorem probabilitatem de veritate Catholicæ Religionis, statim tenetur credere. Tum sic Quādo infidelis habet, hanc maiorem probabilitatem (quam supponimus non pertingere ad certitudinem) habet notitiam dumtaxat probabilem de revelatione; & eo ipso quod sit solum probabilis, non excludit formidinem: ergo si re ipsa impleat eam obligationem credendi, habebit assensum Fidei supernaturalem, & utilem ad salutem: ergo habebit illum cum notitia solum probabili de revelatione, imo & cum formidine de illa; quod est contra decretum, & damnationem huius 21. propositionis. Quę omnia recte colliguntur ex prima consequentia.

97. Quod vero ex ea damnatione quartæ propositionis inferatur, quod ubi infidelis habet maiorem probabilitatem de veritate Fidei Catholicæ, tenetur statim credere; quę erat prima consequentia: tradidit Lumbier tom. 3. sum. ad propositionem 4. n. 1759. & ante decretum idem docuerat Gonetus de Probabilitate, 139. & ante illum, Bañez 2. 2. quæst. 10. art. 1. dub. 3. conc. 3. & 4. & Petrus de Ledesma tom. 2. Sum. tract. 1. c. 5. conc. 5. & 6.

98. Et urgetur amplius argumentatio proposita. Negari enim non potest, quod si infidelis in articulo mortis constitutus iudicet, Religionem Catholicam probabilem & tutiorem esse sua secta, teneatur illam amplecti: ergo in articulo mortis potest, & debet, ex notitia solum probabili veritatis Catholicæ, & consequen-